



Broj: 01-1063/22  
Sarajevo, 26. 5. 2022. godine

Na osnovu člana 135. stav 3. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20 i 39/21), Nastavno-naučno vijeće je, na XX (elektronskoj) sjednici održanoj dana 17.5.2022. godine u periodu od 12.00 do 16.00 sati, donijelo *sljedeći*

### ZAKLJUČAK

Ne postoje uvjeti za oslobađanje od dijela školarine u iznosu od 50% utvrđene cijene troškova III ciklusa studija na Univerzitetu u Sarajevu - Pravnom fakultetu, studenticama: Lamiji Selman, MA iur., Umihani Mahmić, MA iur. i Lamiji Muftić, MA iur. u akademskoj 2021/2022. godini.

### Obrazloženje

Dana 23.11.2021. godine studentica trećeg ciklusa – doktorskog studija Lamija Selman, MA iur. je podnijela zahtjev za oslobađanje od plaćanja troškova doktorskog studija. U zahtjevu navodi da je radnica Univerziteta u Sarajevu - Muzičke akademije na radnom mjestu sekretar počev od 1.7.2016. godine na neodređeno vrijeme.

Dana 3.12.2021. godine studentica trećeg ciklusa-doktorskog studija Umihana Mahmić, MA iur. je podnijela zahtjev za oslobađanje od plaćanja troškova doktorskog studija. U zahtjevu navodi da je radnica Univerziteta u Sarajevu – Fakulteta političkih nauka na radnom mjestu sekretar počev od 20.5.2021. godine.

Dana 12.4.2022. godine studentica trećeg ciklusa - doktorskog studija Lamija Muftić, MA iur. je podnijela zahtjev za oslobađanje od plaćanja troškova doktorskog studija. U zahtjevu navodi da je radnica Univerziteta u Sarajevu – Instituta za istraživanje zločina protiv čovječnosti i međunarodnog prava počev od 1.11.2018. godine.

Odredbom člana 26b. tačka a) Pravila propisano je da status studenta doktorskog studija na način predviđen zakonom i ovim pravilima može steći zaposlenik na Univerzitetu u Sarajevu/organizacionoj jedinici. Odredbom člana 26c. stav 2. Pravila propisano je da su studenti doktorskog studija u punom radnom vremenu lica iz člana 26b. tač. a) ovih pravila koji ne participiraju u troškovima doktorskog studija (školarine).

U cilju provedbe odredbe člana 26c. Pravila, Senat Univerziteta u Sarajevu je donio Tumačenje navedenog člana Pravila br. 01-6-85/22 od 27.4.2022. godine, kojim je utvrđeno da će organizacione jedinice Univerziteta u Sarajevu u okviru svojih nadležnosti i stvarnih mogućnosti za oslobađanje lica iz člana 26b. tačka a) Pravila u participiranju u troškovima doktorskog studija (školarine), putem vijeća organizacione jedinice, odlučuju po podnesenim pojedinačnim zahtjevima navedenih lica.

Na XIX. sjednici Nastavno-naučnog vijeća, održanoj dana 11.5.2022. godine u 14,00 sati razmatrani su zahtjevi za oslobađanje plaćanja troškova doktorskog studija triju studentica – radnica na Univerzitetu u Sarajevu, na kojoj je donesen Zaključak da će se, imajući u vidu

**Univerzitet u Sarajevu – Pravni fakultet** – Obala Kulina bana 7, 71000 Sarajevo - Bosna i Hercegovina

Telefon: +387 (0)33 206-350 (centrala); +387 (0)33 206-355 (fax)

www.pfsa.unsa.ba



finansijski plan Univerziteta u Sarajevu-Pravnog fakulteta i njegove mogućnosti, na sljedećoj sjednici Nastavno-naučnog vijeća glasati za prijedlog da se studentice III. ciklusa studija oslobode od plaćanja dijela školarine u iznosu od 50% utvrđene cijene troškova III. ciklusa studija na Univerzitetu u Sarajevu-Pravnom fakultetu.

Na XX (elektronskoj) sjednici održanoj dana 17.5.2022. godine u periodu od 12,00 do 16,00 sati, glasalo je 27 članova i članica Nastavno-naučnog vijeća s pravom glasa, od čega 10 glasova ZA, 17 PROTIV i 1 SUZDRŽAN.

Imajući u vidu sve navedeno donijet je zaključak kao u dispozitivu.

**DEKANIČA**

**Prof. dr. Zinka Grbo**

Akt obradila i kontrolisala: Mr. Iur. Vesna Lazić, sekretar Fakulteta

Akt odobrila: prof. dr. Zinka Grbo, dekanica Fakulteta

DOSTAVITI:

- arhiva





Broj: 01-985-1/22

Sarajevo, 24. 5. 2022. godine

Na osnovu člana 135. stav 1. tačka a) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21), člana 104. stav 2. tačka a) Statuta Univerziteta u Sarajevu, broj: 01-1093-3-1/18 od 28.11.2018. godine i odredbi Pravilnika o izdavačkoj djelatnosti Pravnog fakulteta iz 2010. godine, a na prijedlog Komisije za izdavačku djelatnost, Nastavno–naučno vijeće je na XX (elektronskoj) sjednici održanoj 17.5.2022. godine od 12,00 do 16,00 sati donijelo *sljedeću*

### **ODLUKU** **o e-izdanju udžbenika**

#### **I**

Univerzitet u Sarajevu - Pravni fakultet bit će izdavač e-izdanja sljedećeg udžbenika za nastavu – obavezne i dopunske literature, i to:

- ✓ **“Plinijeva pisma-doprinos razumijevanju rimskog prava”, autora dr. Zdravka Lučića, vanrednog profesora.**

#### **II**

Ova Odluka stupa na snagu danom donošenja

### **O b r a z l o Ź e n j e**

Komisija za izdavačku djelatnost Univerziteta u Sarajevu - Pravnog fakulteta, Nastavno-naučnom vijeću Fakulteta, podnijela je Prijedlog izdanja jednog e-udžbenika, “Plinijeva pisma-doprinos razumijevanju rimskog prava”, autora prof. dr. Zdravka Lučića, vanrednog profesora, protokoliran pod brojem 01-985/22 od 16.5.2022. godine.

Odredbom člana 135. stav 3. tačka a) Zakona o visokom obrazovanju Kantona Sarajeva („Službene novine Kantona Sarajevo“ broj: 33/17, 35/20, 40/20 i 39/21) propisana je nadležnost Nastavno–naučnog vijeća da donosi odluke o svim akademskim, nastavnim, naučnim, umjetničkim i stručnim pitanjima u okviru svoje nadležnosti.

Imajući u vidu naznačeno, a shodno citiranim odredbama Zakona, donijeta je odluka kao u dispozitivu.

**DEKANICA**

Prof. dr. Zinka Grbo

Akt obradila i kontrolisala: Mr. iur. Vesna Lazić, sekretar Fakulteta

DOSTAVITI:

- Komisija za izdavačku djelatnost
- arhiva



Broj: 01-985-2/22

Sarajevo, 24. 5. 2022. godine

**PREDMET: Mišljenje o usklađenosti Prijedloga Odluke o e-izdanju udžbenika prof. dr Zdravka Lučića sa zakonskim odredbama i drugim propisima**

Na osnovu člana 126. stav 2. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20 i 39/21), sekretar Mr. iur. Vesna Lazić daje sljedeće:

### STRUČNO MIŠLJENJE

Prijedlog Odluke o e-izdanju udžbenika prof. dr Zdravka Lučića, koju je donijelo Nastavno-naučno vijeće na XX (elektronskoj) sjednici održanoj dana 17.5.2022. godine u periodu od 12,00 do 16,00 sati, donesen je u skladu sa odredbama:

- člana 135. stav 1. tačka a) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21),
- člana 104. stav 2. tačka a) Statuta Univerziteta u Sarajevu, broj: 01-1093-3-1/18 od 28.11.2018. godine, i
- odredbi Pravilnika o izdavačkoj djelatnosti Pravnog fakulteta iz 2010. godine,
- a na prijedlog Komisije za izdavačku djelatnost.

**SEKRETAR**

Mr. iur. Vesna Lazić